

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-311/24
Sarajevo, 25.1.2024. godine

Z A P I S N I K

4. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 25.1.2024. godine

Sjednica je počela sa radom u 12 sati i 39 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je obavijestio da je, na osnovu pisama koja je Vlada Federacije BiH uputila Domu naroda Parlamenta Federacije BiH, sazvao sjednicu Kolegija.

Vlada Federacije BiH tražila je da se sa dnevnog reda skinu tačke: Prijedlog Odluke o privremenom finansiranju Federacije BiH za period januar - mart 2024. godine i Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja i reosiguranja Federacije BiH za period 1.1.2024. - 31.3.2024. godine.

Vlada Federacije BiH je, također, uputila dopis kojim je tražila da se na dnevni red sjednice uvrsti Prijedlog Budžeta Federacije BiH za 2024. godinu, Prijedlog Zakona o izvršavanju Budžeta Federacije BiH za 2024. godinu i Prijedlog Odluke o davanju saglasnosti na Finansijski plan zavoda zdravstvenog osiguranja i reosiguranja Federacije BiH za 2024. godinu.

S obzirom na navedeno, predsjedavajući je obavijestio delegate da je na sjednici Kolegija dogovoreno da se prvo održi 4. vanredna sjednica i da nakon toga bude održana 6. redovna sjednica.

Predsjedavajući je pozdravio predsjednicu Federacije BiH gospođu Lidiju Bradaru, potpredsjednika Federacije BiH gospodina Igora Stojanovića, ministre u Vladi, goste, predstavnike medija, međunarodnih organizacija te delegate.

Izostanak sa sjednice najavili su delegati: Svetlana Kamenjaš, Sanela Klarić, Tanja Šantić, Mehmed Mahmić i Damir Džeba.

Prema evidenciji Stručne službe, sjednici prisustvuje 67 delegata, što čini većinu, pa Dom naroda može raditi i punovažno odlučivati.

U raspravi za izmjenu i dopunu dnevnog reda su učestvovali Jelena Pekić i Tomislav Martinović.

Delegatkinja Jelena Pekić je postavila pitanje u vezi sa razmatranjem Zakona o registru lica pravomoćno osuđenih za krivična djela protiv spolne slobode morala prema djeci i maloljetnicima u Federaciji BiH na 4. vanrednoj sjednici, te naglasila važnost njenog razmatranja.

Predsjedavajući je konstatovao da je Vlada Federacije BiH dostavila dopis kojim traži da se u dnevni red sjednice, sa prijedlogom da se razmatraju po hitnom postupku, uvrste tačke: Prijedlog Budžeta Federacije BiH za 2024. godinu, Prijedlog Zakona o izvršavanju Budžeta Federacije BiH za 2024. godinu i Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH.

Predsjedavajući je prije utvrđivanja dnevnog reda pozvao delegate da na osnovu člana 188. Poslovnika o radu Doma naroda glasaju da li će se ovi akti razmatrati po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 10 uzdržanih glasova i uz osam glasova protiv, prihvatio da se Prijedlog Budžeta Federacije BiH za 2024. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz 12 uzdržanih glasova i uz 10 glasova protiv, prihvatio da se Prijedlog Zakona o izvršavanju Budžeta Federacije BiH za 2024. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz devet uzdržanih glasova i uz šest glasova protiv, prihvatio da se Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2024. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2024. godinu razmatraju po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 46 glasova za, uz 16 uzdržanih glasova i uz tri glasa protiv, prihvatio sljedeći:

D N E V N I R E D

1. Verifikovanje mandata delegatima u Domu naroda Parlamenta Federacije BiH,
2. Prijedlog Budžeta Federacije BiH za 2024. godinu - hitni postupak,
3. Prijedlog Zakona o izvršavanju Budžeta Federacije BiH za 2024. godinu - hitni postupak,
4. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2024. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2024. godinu - hitni postupak,
5. Prijedlog Odluke o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i

Odluku o izvršavanju Finansijskog plana Federalnog zavoda za zapošljavanje za 2024. godinu.

1. Verifikovanje mandata delegatima u Domu naroda Parlamenta Federacije BiH

Centralna izborna komisija BiH obavijestila je Dom naroda Parlamenta Federacije BiH da je Izenu Hajdareviću, delegatu iz reda bošnjačkog naroda, prestao mandat zbog odlaska na drugu dužnost, te je dodijeljen mandat Emiru Begiću, delegatu iz reda bošnjačkog naroda.

Također, Irfanu Čengiću, delegatu iz reda bošnjačkog naroda, prestao je mandat zbog odlaska na drugu dužnost, te je dodijeljen mandat Vildani Bešliji, delegatkinji iz reda bošnjačkog naroda.

Mandatno-imunitetska komisija je razmatrala ove odluke i dostavila izvještaj.

Predstavnik Komisije Ivan Ivić je obrazložio izvještaj.

U raspravi niko nije učestvovao.

Predsjedavajući je pozvao Emira Begića i Vildanu Bešliju da polože svečanu zakletvu na tri službena jezika.

Na osnovu člana 260. Poslovnika o radu Doma naroda Parlamenta Federacije BiH nakon verifikacije mandata i polaganja svečane zakletve, delegati stiču prava i dužnosti delegata u Domu.

2. Prijedlog Budžeta Federacije BiH za 2024. godinu - hitni postupak

Tekst Prijedloga Budžeta utvrdila je Vlada Federacije BiH.

Vlada Federacije BiH je naknadno dostavila amandman na Prijedlog Budžeta Federacije BiH za 2024. godinu, koji je postao sastavni dio Prijedloga Budžeta.

Predstavnički dom Parlamenta Federacije BiH obavijestio je Dom naroda da je na 9. sjednici, održanoj 24.1.2024. godine, usvojio Prijedlog Budžeta Federacije BiH sa jednim amandmanom Vlade Federacije BiH koji je postao sastavni dio Prijedloga Budžeta.

Tom prilikom su usvojeni zaključci.

Prijedlog Budžeta su razmatrala nadležna radna tijela.

Prijedlog Budžeta obrazložio je Toni Kraljević, federalni ministar finansija i zamjenik premijera.

Predsjedavajući je pozvao delegata Muamera Zukića da u ime radnog tijela obrazloži izveštaj.

U raspravi su učestvovali Damir Marjanović, Anto Bilić, Vibor Handžić, Tomislav Martinović, Aida Obuća, Vedrana Vujović, Emir Dautović, Ivica Pavković, Mehmed Memišević, Haris Zahragić, Jelena Pekić, Miomirka Melank, Izmir Hadžiavdić i Aljoša Čampara.

Delegat Haris Zahragić je zatražio pauzu, u ime Kluba delegata bošnjačkog naroda, radi pripreme amandmana.

Nakon pauze, predsjedavajući je tražio od Vlade održavanje sjednice u vezi sa predloženim amandmanom, te je predložio prelazak na sljedeću tačku dnevnog reda dok Vlada završi sjednicu, kako bi se delegati mogli izjasniti o Prijedlogu Budžeta.

3. Prijedlog Zakona o izvršavanju Budžeta Federacije BiH za 2024. godinu - hitni postupak

Tekst Prijedloga Zakona utvrdila je Vlada Federacije.

Vlada Federacije je naknadno dostavila amandman na Prijedlog Zakona o izvršenju budžeta Federacije BiH.

Predstavnički dom Parlamenta Federacije obavijestio je Dom naroda da je na 9. sjednici, održanoj 24.1.2024. godine, usvojio Prijedlog Zakona o izvršavanju Budžeta Federacije BiH za 2024. godinu sa jednim amandmanom Vlade Federacije BiH, koji je postao sastavni dio Prijedloga Zakona.

Prijedlog Zakona razmatrala su nadležna radna tijela.

Prijedlog Zakona obrazložio je Alija Aljović, pomoćnik ministra u Sektoru za budžet i javne rashode.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 48 glasova za, uz 11 uzdržanih glasova i uz četiri glasa protiv, usvojio Prijedlog Zakona o izvršavanju Budžeta Federacije BiH za 2024. godinu.

4. Prijedlog Odluke o davanju saglasnosti na Finansijski plan Zavoda zdravstvenog osiguranja i reosiguranja Federacije BiH za 2024. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2024. godinu - hitni postupak

Prijedlog Odluke dostavila je Vlada Federacije BiH.

Predstavnički dom obavijestio je Dom naroda da je na 9. sjednici, održanoj 24.1.2024. godine, donio Odluku o davanju saglasnosti na Finansijski plan Zavoda zdravstvenog

osiguranja i reosiguranja Federacije BiH za 2024. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2024. godinu.

Prijedlog Odluke razmatrala su nadležna radna tijela.

Prijedlog Odluke obrazložila je Vlatka Martinović, direktorica Zavoda zdravstvenog osiguranja i reosiguranja Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 61 glasom za, uz jedan uzdržani glas i uz jedan glas protiv, donio Odluku o davanju saglasnosti na Finansijski plan zavoda Zdravstvenog osiguranja i reosiguranja Federacije BiH za 2024. godinu i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2024. godinu.

5. Prijedlog Odluke o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i Odluku o izvršavanju Finansijskog plana Federalnog zavoda za zapošljavanje za 2024. godinu

Tekst Prijedloga Odluke utvrdila je Vlada Federacije BiH.

Predstavnički dom obavijestio je Dom naroda da je na 9. sjednici, održanoj 24.1.2024. godine, donio Odluku o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i Odluku o izvršavanju Finansijskog plana Federalnog zavoda za zapošljavanje za 2024. godinu.

Prijedlog Odluke razmatrala su nadležna radna tijela.

Prijedlog Odluke obrazložila je Helena Lončar, direktorica Federalnog zavoda za zapošljavanje.

U raspravi su učestvovali Haris Zahragić, Jelena Pekić i Helena Lončar.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 59 glasova za, uz jedan uzdržani glas i uz jedan glas protiv, donio Odluku o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i Odluku o izvršavanju Finansijskog plana Federalnog zavoda za zapošljavanje za 2024. godinu.

S obzirom na to da Vlada nije dostavila izjašnjenje o amandmanu, predsjedavajući je predložio početak 6. sjednice.

Nakon završetka 6. sjednice predložio je da se vrate na izjašnjavanje o amandmanu i o Prijedlogu Budžeta i zaključenje 4. vanredne sjednice.

Nastavak 4. vanredne sjednice je počeo u 17 sati i 50 minuta.

Predstavnik Vlade Federacije BiH ministar Vojin Mijatović je obrazložio izjašnjenje Vlade o amandmanu na Prijedlog Budžeta.

Predsjedavajući je konstatovao da predloženi amandman, koji je uložio Klub delegata bošnjačkog naroda, nije prihvaćen.

Također, dostavljen je Izvještaj Odbora za ekonomsku i razvojnu politiku, finansije i budžet kojim je Dom naroda obaviješten da amandman nije dobio pozitivno mišljenje ovog odbora.

Predstavnik predлагаča amandmana na Prijedlog Budžeta Federacije BiH za 2024. godinu Muamer Zukić izjasnio se da Klub delegata bošnjačkog naroda ostaje pri amandmanu.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH, sa 16 glasova za, uz 16 uzdržanih glasova i uz 30 glasova protiv, nije prihvatio amandman.

Klub delegata bošnjačkog naroda je zatražio pojedinačno izjašnjavanje o amandmanu.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH, sa 18 glasova za, uz 16 uzdržanih glasova i uz 30 glasova protiv, nije prihvatio ovaj amandman.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 45 glasova za, uz osam uzdržanih glasova i uz pet glasova protiv, usvojio Prijedlog Budžeta Federacije BiH za 2024. godinu.

Delegatkinja Belma Kapo podnijela je Prijedlog Zaključka na Prijedlog Budžeta Federacije BiH za 2024. godinu.

Na osnovu rezultata glasanja, predsjedavajući je konstatovao da je Dom naroda, sa 44 glasa za, uz 13 uzdržanih glasova i uz tri glasa protiv, usvojio sljedeći:

Z A K L J U Č A K

Dom naroda Parlamenta Federacije BiH poziva Vladu Federacije BiH da tokom 2024. godine osigura dodatnih 20 miliona konvertibilnih maraka za Zavod za zdravstveno osiguranje i reosiguranje Federacije BiH - za potrebe Fonda solidarnosti Federacije BiH (troškovi liječenja najteže oboljelih pacijenata u Federacije BiH - onkološki pacijenti, pacijenti oboljni od multiple skleroze, pacijenti koji čekaju na usluge iz oblasti kardiologije i kardiohirurgije, pacijenti koji boluju od rijetkih bolesti i drugi).

Delegatkinja Jelena Pekić podnijela je prijedlog zaključka na Prijedlog Budžeta Federacije BiH za 2024. godinu.

Na osnovu rezultata glasanja, predsjedavajući je konstatovao da Dom naroda, sa 25 glasova za, uz 13 uzdržanih glasova i uz osam glasova protiv, nije usvojio ovaj zaključak.

Sjednica je završila rad u 18 sati i 6 minuta.

Transkript sjednice čini sastavni dio Zapisnika.

SEKRETAR

Izmir Hadžiavdić

PREDsjEDAVAJUĆI

Tomislav Martinović